

Some Optical Assertions concerning the *Rain-bow*, transmitted by the Learned *Franciscus Linus* from *Liege*, where they were publickly discussed in *August* last: Deliver'd here in the same Language, wherein they were communicated.

I. **M**inima quævis *Pluviae* guttula, radiis Solaribus illustrata, mittit ex se Iridem perfectam, non solum quoad ipsos *Colores*, sed etiam quoad eorum *Ordinem*, *Situm*, ac *Figuram circularem*, ei quam in Cælo videmus simillimam.

II. Radii enim Solares guttulam sub-intrantes, indeque post duas *Refractiones* & unam *Reflectionem*, iterum versus Solem redeentes, erumpunt è guttula colorati, iisdemque plane coloribus, quos in Iride videmus, rubro, flavo, viridi, cœruleo, & purpureo imbuti.

III. Hi radii sic colorati, dum pluvioso cælo à variis guttulis Sole illustratis in oculum transmittuntur, Visionem, quam de Iride habemus, efficiunt.

IV. Dantur autem in qualibet guttula duo *Annuli*, Major & Minor, distinctis coloribus Irialibus imbuti; quorum Minor distat ab axe seu radio transcidente per centrum guttulae, gradibus circa 21; Major autem ab eodem axe distat gr. 78. Radii autem incidentes in Minorem annulum, inde resiliunt in Majorem; & quo erumpentes in aërem, dictis coloribus Irialibus imbuuntur.

V. Oriuntur igitur hi colores à radis Solaribus; sed non ab iis solis (ut hactenus existimat) sed etiam à radiis ipsius Aeris, corpus Solare ambientis.

VI. Sed neque oriuntur hi colores ab omnibus iis radiis, sive Solaribus sive Aeris, qui guttulam sub-intrant; sed ab iis solummodo, qui emittuntur ab ipso Limbo solari, Aereque eius vicino.

VII. Quin & ii radii, qui sic à limbo Solari Aereque vicino in guttulam transmittuntur, non omnes spectant ad dictos colores, nec erumpunt colorati; sed illi duntaxat, quorum Angulus Incidens nec minor est gradibus 45, nec major gradibus 75.

VIII. A Limbo itaque Solari, vicinoque Aere procedunt colores Iriales, non tamen omnes quinque immediatè inde fluunt; sed quatuor duntaxat, nempe Ruber, Flavus, Cœruleus & Purpureus: Virialis

*Viridis enim oritur ex radiis flavis & cæruleis inter se permixtis.*

X. *Oriantur igitur hi quatuor colores à dicto Limbo ; non tamen omnes ab una eademque ejus parte : Sed duo ex iis ab una parte Limbi, & alii duo ab alia, ei directè opposita ; v. g. à limbo superiore oriuntur Cæruleus & Purpureus, & ab inferiore, Ruber & Flavus.*

X. *Causa autem, cur à Limbus adeò inter se similibus oriuntur colores tam dissimiles, non alia hic apparet, quam quod in uno casu limbus Aerius sit supra limbum Solarem, & in alio, limbus Solaris sit supra Aerium. Hoc autem discriminem videtur hic sufficere, eu quod ratione illius diversi Situs nunc radii Solares incurventur per refractionem supra radios Aereos ; nunc è contra Aerii supra Solares.*

XI. *Oriuntur itaque hi Colores per dictos radios Refractos, ita tamen refractos, ut per eam refractionem valde inter se consilpentur. Nam omnes radii à gradu 45 usque ad 60 ad spatium unius gradus in minore annulo contrahuntur : In quod etiam tam angustum spatium confluunt, per retrogradationem, radii omnes à gradu 60 ad 75.*

XII. *Quando plures homines simul vident Iridem, tot videntur Irides, quot sunt homines videntes.*

XIII. *Qui intuetur Iridem, videt singulis momentis aliam & aliam.*

*So far these Assertions ; which we thought fit to insert here, to give the Curious and Learned amongst us the opportunity to consider them, and to give-in their thoughts upon them ; which we are perswaded will be very welcom to the Author.*